

Vanzgyangh Guh Hozdung Hwnj Goq Damqlwnh Coicaenh Cuengh Gun Song Saw Vah Sonhag

环江毛南族自治县壮汉双语教学探讨课活动活跃

□Mungz Ningz/蒙 宁

Vanzgyangh Mauznanzcuz Swciyen Swhwnh Cin Cunghsinh Siujyoz yawjnaek hong Cuengh Gun song saw vah sonhag. Lai bi daeuj, gyoengqde moix haggeiz cungj cujcz Cinghdanz, Sihnanz, Yinzhoz sam aen hagdangz lauxsae son Sawcuengh haenx comzyouq itheij, damqlwnh diuzloh Cuengh Gun song saw vah sonhag. Vihliux damqlwnh Cuengh Gun song saw vah doengzyamq sonhag, hawj hagseng yungh Sawcuengh daeuj hag ndei Sawgun, 11 nyied 27 hauh, Swh' wnh Cin Cunghsinh Siujyoz youq Yinzhoz Siujyoz gawjbanh goq damqlwnh Cuengh Gun song saw vah hozdung, 14 boux lauxsae yijvwnz Cinghdanz, Sihnanz, Yinzhoz sam aen hagdangz camgya goq damqlwnh. Doenggyaq goq damqlwnh gyaulouz hozdung, gaijbienq lauxsae sonhag fuengfap conzdungj haenx, daezsang gyoengq lauxsae gwnzdangz sonhag yisuz suijbingz.

Youq gwnz goq damqlwnh, lauxsae Sawcuengh Cinz Yivangj gangjgoq, gyoengq lauxsae dingq goq le caiq guh bingzgoq, daezok yawjap swheij, siengj banhfap baezlaeng baenzlawz gangjgoq ndaej engq ndei. Mungz Ningz yaucangj guh bingzgoq cunggez, de yauhgiuz sam aen Sawcuengh sawqniemh hagdangz neix aeu roengzrengz bae dajcaux daegsaek minzcuz siujyoz, hawj Cuengh Gun song saw vah sonhag banh ndaej engqgya hwngvuengh.



▲ Gyoengq hagseng nyinhcaen dingq lauxsae gangj goq.



▲ Gyoengq doengzhag doxciengj yaengx fwngz hoizdap vwndiz.



▲ Gyoengq lauxsae nyinhcaen guh bingz goq.



▲ Mungz Ningz yaucangj guh goq damqlwnh cunggez.

Siengzlungz Siujyoz: Hawj Sawcuengh Youq Gwnz Yindungvei Ronghsag

祥龙小学：让壮文在校运会上闪亮

□Siz Caizyij /石才以



Siengzlungz Siujyoz dwg aen siujyoz ndaw mbanj Vujsenh Yen Dungzlingj Cin, seizneix miz 250 boux hagseng, 12 boux lauxsae. Aen hagdangz neix youq aen haggeiz neix ngamq guh Cuengh Gun song saw vah sonhag. Hag Vahcuengh youh hag Vahgun, gyoengq doengzhag yawjraen gig mizyinx. Bineix 12 nyied 3 hauh, aen hagdangz iq neix hai yindungvei, hoeng, bineix caeuq doengh bi gaxgonq mbouj doengz, bineix, hagdangz youq gwnz ciengzyindung venj diuzfuk sij miz Sawcuengh caeuq Sawgun, hawj yindungvei dem aen gingj ndeiyawj ndeu, hix hawj doenghboux yindungyenz iq roxdaengz lwg Bouxcuengh miznaj raixcaix.

◀ Diuqgyae doxdax haenq dangqmaz, yinx gyoengq doengzhag daeuj yawj.



▲ Buetvaiq doxdax haenq raixcaix.



▲ Youq gwnz hoih gaihmusi, Siengzlungz Siujyoz baez daih' it aeu Cuengh Gun song saw vah daeuj sij diuzfuk.

◀ Gyoengq doengzhag guh douzlanz doxdax.